

दिनांक : 22.01.2026

समय : 18.45 बजे

- मुख्यमंत्री भजन लाल शर्मा कह्यो— विकास रो फायदो समाज रा आखिरी छोर माथे ऊबा हर एक जणा ताई पूगावण माथे राज्य सरकार रो खास ध्यान
- प्रदेश रा 2 हजार 839 गिरदावर सर्किलां मांय काल ऊँ ग्राम उत्थान शिविर लगाया जावेलं
- केद्र सरकार प्रधानमंत्री ग्राम सड़क योजना रा तैत राजस्थान समेत छह राज्यां सारू 10 हजार किलोमीटर ऊँ बत्ती लम्बी सड़कां बणावण री मंजूरी दीनीं
- प्रदेश मांय आज अर काल कठे-कठे मावठ रा आसारं

000

मुख्यमंत्री भजनलाल शर्मा कह्यो है के राज्य सरकार विकास रो फायदो समाज रा आखिरी छोर माथे ऊबा हर एक जणा ताई पूगावण माथे खास ध्यान दे रही हैं वे आज सिरोही मांय रामलला प्राण प्रतिष्ठा री दूजी सालगिरह रे मौके राख्यी ज्या राज्य स्तर रा कार्यक्रम मांय बोल रह्या हां वे ज़ोर दे र कह्यो के प्रदेश मांय कानून व्यवस्था ऊँ खिलवाड़ करण वाळां अर अशांति फ़ैलावण वाळां रे खिलाफ करड़ी कार्रवाई करी जावेलं वे कह्यो के राज्य मांय कांग्रेस रा राज मांय व्ह्या घोटालां री जांच चाल रही है अर दोषियां ने नी छोड़्या जावेलं

.....

ई मौके वे रिमोट कंट्रोल रे जरिये किसान सम्मान निधि री पाँचवीं किश्त समेत न्यारी-न्यारी योजनावां रो फायदो लेवण वाळां रा खाता मांय 1,590 करोड़ रुप्या भेज्या अर ग्राम उत्थान शिविरां रो उद्घाटन कीनीं कार्यक्रम मांय राज्यसभा सदस्या अर भारतीय जनता पार्टी रा प्रदेश अध्यक्ष मदन राठौड़ कह्यो के प्रधानमंत्री नरेन्द्र मोदी री अगुवाई मांय देश खुद रे पाण ऊबो व्हे रह्यो है अर राजस्थान सरकार वां ई सोच सागे काम कर रही हैं कार्यक्रम मांय राज्य मंत्री ओटाराम देवासी बतायो के सरकार री नीतियां ऊँ किसान अर गांवांई हलकां री जनता ने सीधो फायदो मिल रह्यो हैं

000

प्रदेश रा 2 हजार 839 गिरदावर सर्किलां मांय काल ऊँ ग्राम उत्थान शिविर लगाया जावेलं दो दौर मांय लगाया जावण वाळा आं शिविरां रो पहलो दौर काल ऊँ 31 जनवरी ताई चालेलां शिविरां मांय कृषि अर पशुपालन समेत 12 महकमां ऊँ जुडी सेवावां रो फायदो एक ई ठौड़ मुहैया करायो जावेला अर तारबंदी अर सौर पंप लगावण सरीखी मंजूरियां मौके ई जारी करी जावेलं राजधानी जयपुर मांय ई आं शिविरां री तैयारियां पूरी व्हे ग्यी हैं

000

प्रदेश री स्कूलां मांय काल मेगा पीटीएम राख्यी जावेलं इण मांय 65 लाख ऊँ बत्ता मायत अध्यापकां सागे बातचीत करेलां स्कूल शिक्षा विभाग रा शासन सचिव कृष्ण कुणाल बतायो के मेगा पीटीएम रो राज्य स्तर रो कार्यक्रम जयपुर रा कॉमर्स कॉलेज मांय राख्यो जावेला, जिण मांय मुख्यमंत्री भजनलाल शर्मा ट्रांसपोर्ट वाउचर योजना रा तैत साढ़े 4 लाख विद्यार्थियां रा खातां मांय 53 करोड़ रुप्या भेजेलां ई सागे ई पूरा प्रदेश मांय 80 हजार टाबरियां ने मुफ्त साइकिलां दी जावेलं इण रे अलावा 3 लाख ऊँ बत्ती टाबरियां रा खातां मांय न्यारी-न्यारी योजनावां रा तैत रकम भेजी जावेलं ई मौके स्कूलां मांय निपुण मेळा लगा र बुनियादी साक्षरता ऊँ जुड़्या कार्यक्रम राख्या जावेला अर भणार्ई-लिखाई रां तरीकां अर नवाचारां रो दरसाव ई कर्यो जावेलं

000

केन्द्रीय युवा मामलात अर खेल मंत्री मनसुख मांडविया कह्यो है के हिफाजती दस्तां रा जवाना रो हर कदम देश री हिफाजत री गारंटी हैं वे आज टॉक ज़िला रा देवली मांय केंद्रीय औद्योगिक सुरक्षा बल-बैठे रा क्षेत्रीय प्रशिक्षण केन्द्र मांय राख्यी ज्यी 22 वीं पासिंग आउट परेड रे मौके बोल रह्या हां श्री मांडविया कह्यो के खेल अर सुरक्षा बल एक-दूजा रा पूरक है, जो अनुशासन अर जीत हासिल करण रो जज्बो बतावे हैं केन्द्रीय मंत्री खेल कोटा ऊँ बैठे मांय भर्ती व्हे र 16 सप्ताह री सिखावण पूरी करण वाळा जवाना ऊँ देश रा कारखानां, हवाई अड्डां अर कामकाज री दूजी खास ठौड़ां री हिफाजत सारू समर्पित रहवण बाबत् कह्यो

ई मौके सीआईएसएफ रा महानिदेशक प्रवीण रंजन बतायो के सीआईएसएफ रा इतिहास मांय पहली दफा इतरा मोटा लेवल माथे खेल भर्ती अभियान चला र 3 सौ चौबीस खिलाड़ी चुणी ज्या, ज्यां मांय 171 महिला खिलाड़ी शामिल हैं आं नुवा भर्ती व्हा जवाना मांय 18 अंतरराष्ट्रीय अर 56 राष्ट्रीय स्तर री होड़ां मांय सोना रा तमगा जीतण वाळा खिलाड़ी ई शामिल हैं

000

राज्यपाल हरिभाऊ बागडे विद्यार्थियां ऊँ कोर्स सागे दूजी किताबां ई पढ़बा सारू कह्यो हैं वे आज वर्धमान महावीर खुला विश्वविद्यालय कोटा रा 18वां दीक्षांत समारोह मांय बोल रह्या हां राज्यपाल कह्यो के भणार्ई-लिखाई ऊँ हासिल करी जावण वाळी ताकत दूजा किण ई साधन ऊँ नी मिल सके हैं ई मौके उप मुख्यमंत्री डॉ. प्रेम चन्द बैरवा कह्यो के राज्य सरकार महिलावां ने मजबूत बणावण माथे खास ध्यान दे रही हैं जळसा मांय करीब 76 हजार उपाधियां दीरीजीं ई मौके 94 टॉपर्स ने सोना रा तमगा दे र नवाजी ज्या, ज्यां मांय चार कुलाधिपति स्वर्ण पदक टाबरियां जीत्यां

000

केन्द्र सरकार प्रधानमंत्री ग्राम सड़क योजना रा चौथा दौर रा तैत राजस्थान समेत छह राज्यां मांय 10 हजार किलोमीटर ऊँ बत्ती लंबी सड़कां बणावण री मंजूरी दीनी हैं ग्रामीण विकास मंत्रालय रे मुजब अ सड़कां बणबा ऊँ तीन हजार दो सौ 70 हलका दूजा हलकां ऊँ जुड़ सकेला अर वठे जरूरी सेवावां मुहैया करायी जा सकेलां प्रधानमंत्री ग्राम सड़क योजना रो मकसद बिना जुड़ाव वाळा हलकां मांय 62 हजार पांच सौ किलोमीटर लम्बी सड़कां बणावणो हैं

000

बेटी बचाओ बेटी पढ़ाओ ने सरू व्हां आज 11 साल पूरा व्हे ग्यां ई मौके सोशल मीडिया पोस्ट रे जरिये प्रधानमंत्री नरेन्द्र मोदी कह्यो के भारत मांय बेटियां ने लक्ष्मी रो रूप मान र वां री पूजा करी जावे हैं वे कह्यो के ओ माथो उंचो करण वाळी बात है के देश री बेटियां हर हलका मांय रिकॉर्ड बणा रही है अर देश ने आगे ले जावण मांय खास योगदान दे रही हैं देश मांय बेटा-बेटियां री तादाद रा असंतुलन अर गिरता लिंगानुपात री गंभीर समस्या रा हल रा तौर ऊँ प्रधानमंत्री नरेन्द्र मोदी 22 जनवरी, 2015 ने हरियाणा रा पानीपत ऊँ बेटी बचाओ, बेटी पढ़ाओ री सरूआत कीनी हीं ई पाछे राष्ट्रीय स्तर माथे जन्म री बगत हर एक हजार लड़कां रा जन्म सागे लड़कियां रे जन्म लेवण री तादाद बध र 930 व्हे गयी है जो साल 2014-15 मांय 918 हीं

000

राष्ट्रीय स्वयंसेवक संघ रा सरसंघचालक डॉ. मोहन भागवत कह्यो है के भारत रो ऐतिहासिक अर नैतिक दायित्व दुनिया ने मर्यादा रो बोध करावणो है अर ओ काम भाषण अर पोथियां ऊँ नही बल्कि व्यवहार अर आचरण रे मार्फत ई संभव हैं डॉ. भागवत डीडवाना-कुचामन ज़िला रा छोटीखाटू मांय जैन श्वेतांबर तेरापंथ धर्मसंघ रा 11 वां आचार्य महाश्रमण रा सानिध्य मांय राख्यी ज्या 162वां मर्यादा महोत्सव मांय बोल रह्या हां भागवत कह्यो के भारत री परंपरा मांय सांच अर धर्म ने केवल वैचारिक धारणा नी बल्कि जीवण रा तरीका रा तौर ऊँ अपनायी ज्यो है जो वां री खासियत हैं

संघ प्रमुख कह्यो के कोई विचार लोगां कानी ऊँ अपनावण परां ई सार्थक बणे हैं

000

सूचना अर प्रसारण मंत्रालय रा सचिव संजय जाजू कह्यो है के सूचनावां आसान शब्दां मांय अर भरोसा सागे आमजन ऊँ जुड़ाव अर भावनात्मक अपील सागे पूगावण ऊँ बत्तो असर करे हैं वे आज जयपुर मांय राख्यी ज्यी एक कार्यशाला 'रिफॉर्म-परफॉर्म-ट्रांसफॉर्म और इन्फॉर्म' मांय बोल रह्या हां श्री जाजू कह्यो के सकारात्मक खबरां, कामयाबी री कहानियां अर उपलब्धियां कम शब्दां मांय इंग्रोग्राफिक सागे सोशल मीडिया रे जरिये बेहतर असर करे हैं वे केंद्र सरकार कानी ऊँ कर्या जा रह्या प्रयोगां रा बारा मांय जाणकारी दीनीं ई मौके पत्र सूचना कार्यालय री महानिदेशक अनुपमा भटनागर इफेक्टिव गवर्नमेंट कम्युनिकेशन रा बारा मांय प्रस्तुति देता थकां केंद्र सरकार रा नवाचारां री जाणकारी दीनीं कार्यशाला मांय मुख्य सचिव वी.श्रीनिवास जनता तांई बेहतर तरीका ऊँ जाणकारियां पूगावण सारू सगळा महकमां ने प्रचार-प्रसार रा नुवा तरीका ई काम लेवण बाबत् कह्यो वे कह्यो के नुवी तकनीक काम ले र जनता तांई खास तौर ऊँ नौजवानां तांई बेहतर तरीका ऊँ जाणकारियां पूगायी जा सके हैं

000

राज्य रा मौसम मांय आज बदलाव निजर आयों सरहदी ज़िलां बाड़मेर अर जैसलमेर मांय आखा दिन धूळो उड़बा सागे बायरो बाजण ऊँ ज़िन्दगी माथे असर पड़्यों इण ऊँ जीरा री साखां ने नुकसाण व्हेवण री शंका हैं दूजी कानी हनुमानगढ़ अर पाली मांय गहरा बादळा मण्ड्या रहवण ऊँ ठारी बध गयी जद के चूरु मांय शीतलहर रो कोप रह्यों मौसम केंद्र जयपुर रे मुजब काल जयपुर, अजमेर अर भरतपुर संभाग मांय बादळा री गाज सागे बिरखा व्हेवण रा आसार हैं